

Merci de l'édit.

20759

248

4217

LETTRE
DE LA ROYNE
MERE.

ET LA RESPONCE
du Roy.



A PARIS,
Par Pierre Froment.

M. DC. XIX.

Avec privilege du Roy.

14 pp.
coul.
m. l.

LETTRE
DE LA ROYNE
MERE

ET LA RESPONCE
du Roy.



A PARIS,
Par Pierre Froment.

M. DC. XIX.

Avec privilege du Roy.



LETTRE DE LA

Royne mere,

A V R O Y.

MONSIEVR mon fils, J'ay
 laissé opprimer long temps
 mon honneur & ma liberté, & ay
 supporté de fortes apprehensions
 de ma vie; & ce qui m'estoit plus
 sensible, c'estoit la priuation de
 vostre veüe. Estant tout ce qui
 s'est faict en quelque façon autho-
 risé de vostre nom, avec la mesme
 patience i'eusse veu l'aduenir, sans
 chercher pour mon particulier si
 vos volontez estoient bien ou mal

cōseillees : mais estant à mon grād regret informee du manifeste peril où sont vos affaires, sil n'est biē tost sceu & cogneu de vous, ie me suis resoluë de me mettre en lieu seur, afin qu'y estant libre ie vous puisse faire entēdre ce qui m'estoit impossible dans la puissance de ceux qui le vous cachēt, selon que les plus grāds de vostre Royaume, & du dehors encores, m'ont avec mille protestations conseillée. A cēt effect ie me suis portee à vne sortie perilleuse, & ay prié mon cousin le Duc d'Espéron, de me permettre de me retirer dans Angoulesme, où ie m'en vay par la veritable cognoissance que i'ay de la fidelité & affection qu'il a à vostre bon seruice, & par la plus ancienne que le Roy vostre pere, de

tres-heureuse memoire, mon seigneur & mary, m'en a donnee, iusques à me commander sur ses derniers iours, de me confier & seruir entierement de sa probité & prudence en vos plus importantes affaires, & pour les miennes particuliers, si i'en pouuois auoir separees des vostres : ce qu'ayant faict pour vostre bien, & pour vous esmouuoir à remedier aux inconueniens qui le pourroit troubler, ie me promets que vous approuuerez ma resolution, & trouuerez bon que ie vous conuie à cela par les affections les plus tendres d'une bone mere, & par les deuoirs plus veritables qu'une fidele sujette vous peut rendre, vous asseurant que vous ferez grandement pour vous, & m'obligerez extrêmement si

vous me dōnez le moyen & la forme qu'il vous plaist que ie tienne pour vous le faire sçauoir sans hayne & sans ambition, ce que ie dois afin de voir vostre regne heureux, & vostre Royaume en repos, & d'estre recognue de n'auoir eu au passé, n'y au present, ny à l'aduenir, autre but que vostre seruice, pour lequel non seulement i'oubli-
ray tous mes desplaisirs : mais ie sacrifieray tres-volontiers ma liberté & ma vie, quand le bon conseil que vous deuez auoir où vous mesmes les iugerez vtile. Le delay ne peut apporter que de l'impossibilité aux remedes, lesquels sont maintenant faciles, seurs, & honorables, comme ie vous feray cognoistre avec toutes sortes de sincerité, & de respect, & avec prote-

station de ne point desirer après
 aucune autorité dans la conduite
 de vos affaires : car comme ie m'en
 suis meslée avec beaucoup de peril
 & de peine durant vostre bas aage,
 selon que i'y estois obligee : aussi à
 ceste heure ie n'y pretens auoir au-
 tre part que la gloire de les voir re-
 gir par vous mesme, avec la digni-
 té & autorité qui vous est deuë, &
 me resiouyr comme ie voudrois
 desia pouuoir faire, oyant chacun
 content de vostre regne, prescher
 vos vertus & vos loüanges en tel
 lieu que vous voudrez que i'ache-
 ue le reste de mes iours. Priant
 Dieu, comme ie fais continuelle-
 ment, avec le plus passionné senti-
 ment de mon cœur pour vostre
 prosperité & de tout vostre Roy-
 aume, estant veritablement au

dernier degré de fidelité & d'affec-
tion.

Monsieur mon fils,

*Vostre tres-humble & affection-
née mere & sujette.*

M A R I E.

A Loche, le 23.
Fevrier.



RESPONSE FAICTE

*de la main du Roy à la
lettre precedente.*

MADAME, J'estois à
sainct Germain en resolution
de vous aller voir dans peu de
iours, lors que trois courriers m'appor-
terent les nouvelles que le Duc d'El-
perno vous auoit fait enleuer de Blois,
apres vous auoir persuadé d'en sortir,
souz pretexte que vous n'y pouuiez
estrc en seureté. Ceste action me sem-
bla si extraordinaire & si estrange, que
i'euz grand peine de la croire; car soit
que ie considerasse la qualite de vostre
personne, ou la condition du temps,
vous m'auoürez qu'il n'y a sorte de des-
plaisir à quoy ie deusse estre moins pre-

paré, n'estimant pas qu'il y eust homme (quel qu'il fust) qui en plaine paix, eust l'audace; ie ne dis pas d'exécuter, mais de conceuoir la resolution d'entreprendre sur la liberté de la mere de son Roy : mais D I E U qui est iuste protecteur des Roys, & qui m'assiste visiblement en tous mes desseins, me fera la grace que ie chastiray si puissamment cest injure, que le mal en tombera sur ceux qui se veulent couvrir de vostre nom, & qui cherchent leurs aduantages dans la ruine de mon peuple, & dans la diminution de mon autorité. Les marques de la puissance que ledit Duc d'Espéron exerce sur vostre esprit, sont si visibles en la lettre qu'il vous a faict escrire, qu'il est ayse de recognoistre que vous ne l'avez écrite qu'avec regret : car qui se pourra iamais figurer qu'apres m'en auoir donné tant de mauuaises impressions, vous me voulussiez maintenant persuader que le feu Roy Monseigneur & Pere, vous eust commandé vn peu deuant son decez de vous seruir de son con-

seil, tant en mes affaires qu'aux vostres. Et vous sçauiez, Madame, en vostre conscience, que l'opinion & sentiment dudit feu Roy, y estoient du tout contraires, comme plusieurs fois vous me l'avez declaré, & l'avez vous-mesme experimenté. D'ailleurs, estant bien informee, comme vous estes, de la bonne administration de mon Estat, & vous en estant con-joiüe tant de fois avec moy, par les lettres que vous m'en avez escrites, lors que vos volõtez n'estoient portees par les passions & mouuemens d'autrui : Qui sera si despourueu de iugement de croire que vous n'ayez esté forcee de vous plaindre de n'auoir pas receu de moy le traictemēt que vous meritez ? si cela estoit, i'en deurois estre le premier blasmé, d'autant que toutes les resolutions qui se sont prises pour ce qui vous touche, ont esté non seulement autorisee de mon nom, mais sont procedees, tant de mon propre mouuement, que de l'aduis de mon Conseil, qui est le Conseil mesme du feu Roy mon Pere. Ma

conscience, la vostre, & toute la France, sont tesmoins, Madame, que ie n'ay oublié enuers vous aucune sorte de deuoir : ce qui m'est vne tres-grande satisfaction : L'amour & la crainte de DIEU estans tellement grauees dans mon ame, que ie me tiens plus glorieux de ceste grace, que de la possession de mon Estat. Aussi ne veux-je pas que ma Couronne me dispense d'observer en vostre endroict tous les respects que sont obligez de rendre à leurs meres les enfans dont la naissance est inferieure à la mienne. Que si vous a semblé quelquefois que les tendres sentimens de fils n'ayent entierement paru, ç'a esté pour prendre les vrayes interests du Roy, & de Pere de mon peuple, & que la condition du temps & des affaires, ne m'a pas permis d'en pouuoir vser autrement : vous mesme m'avez souuent auoué par vos lettres, que ceste conduite estoit si iuste, que vous ne vous en pouuiez offencer, & que vous preferiez de bon cœur la seureté du repos public à vostre con-

tentement particulier. Quand à l'administration de mes affaires, dont sans
 sujet vous auez esté pressée de vous plaindre; ie feray cognoistre à ceux
 qui l'ont entrepris, que c'est moy qui gouuerne mon Royaume & qui agis en
 tous mes Conseils: Et quand vous serez mieux informée de la verité, vous
 louerez DIEU avec moy de ceste benediction. Afin donc de vous deliurer
 de la peine où vous estes, i'ay resolu de prendre les armes pour vous remettre
 en plaine possession de la liberté que vos ennemis vous ont ostée, & de l'honneur
 & du respect qui vous est deu; vous promettant en foy de Fils & de
 Roy, de vous les conseruer aussi soigneusement que ma propre vie. Que si
 pour quelque occasion que ce soit, le sejour de Blois ne vous est agreable,
 vous pourrez choisir telle qu'il vous plaira de vos maisons, ou des miennes,
 pour y viure avec vne entiere liberté, & y demeurer ou chāger de lieu, comme
 il vous plaira: vous n'y ferez pas si tost que ie m'y achemineray pour vous

y aller voir. Ce fera , D I E U aydant,
à ceste entreueuë que vous me direz de
bouche tout ce que vous croyrez im-
porter au bien & repos de mon Royau-
me: Toute autre voye d'aduertissemēt
sur mes affaires , venant de vostre part
feroit cognoistre au public que l'on
rechercheroit plustost l'éclat que le
profit. Je vous conjure de m'en don-
ner promptement le moyen , vous fier
en moy , & m'aymer comme ie vous
ayme & honore. Le sieur de Bethune
que i'ay choysi cōme l'vn de mes plus
fidels seruiteurs , & des vostres , vous
fera entendre de ma part mes plus par-
ticulieres intentions : ie vous prie de
le croire & y adjouster foy comme à
moy mesme qui suis,

M A D A M E ,

*Vostre tres-humble et
obeïssant Fils ,*

L O V I S .

De Paris ce 12.

Mars 1619.

HCC 83-101 (248)